



Synfocity = 882

mail us at : mzsynfo@gmail.com; mizoramsynod@gmail.com - Phone - 2314648

March 30, 2023

☐ **SMTC buatsaih Lay Leaders' Residential Training neih a ni**

March 21-24, 2023 chung khan Synod Multipurpose Training Centre-ah Lay Leaders' Residential Training wawi 219-na chu neih a ni a, hetah hian Mizoram chungah Presbytery hrang paruk atangin Kohhran Upa 31 an tel thei a ni.

He training hi March 21 (Thawhlehi) zana Rev. V.L. Luaia Hranleh, Executive Secretary i/c SMTC-in a hawng a. March 24 (Zirtawpni) zana Training Programme kharna leh Graduation programme hman a ni. Rev. Dr. C. Chawngmingliana, Synod Moderator chuan Training kharna thuchah a sawi a, trainee-te hnenah certificate a hlan nghal bawk.

Training chung hian Resource person palite - Rev. Vanlazuata, Rev. Thangzauva, Rev. K. Lalpiangthara leh Rev. Lalrinthara te paper buatsaih chu zir ho thin a ni a. Upa Lalsawmliana, Finance Manager hovin Synod sum vawn dan zir ho a ni bawk.

Lay Leaders' Residential Training hi kum 1996-a SMTC hawn a nih atangin neih tan nghal a ni a, Kohhran Upa 7108 zet training-ah hian an lo tel tawh a ni.

☐ **Council of Churches in Mizoram ruangam duangtu Drafting Committee an inhmukhawm**

March 28, 2023 khan BCM Meeting Hall, BCM Office, Lungleiah Council of Churches in Mizoram ruangam tur duangtu Drafting Committee an thu khawm a. Lungrual takin Church Council ruangam (structure) an duang fel a. An ruahmanna hi May 19, 2023-ah Kohhran hrang hrang aiawh Joint Meeting-in a la thlir leh ang a, Salvation Army Headquarters, Aizawlah meeting hi neih a ni ang. Ruahmanna hi Joint Committee-in a pawm fel hunah mahni kohhran rorelna sang berah an thlen leh theuh dawn a ni.

January 24, 2023 khan Kohhran pawl hrang hrang aiawha hruaitu kal khawmtan 'Council of Churches in Mizoram' din hi an lo rel tawh a. Drafting Committee dinin hma lak chhoh mek zel a ni ta a ni.

Drafting Committee-ah hian Synod aiawhin Rev. Dr. K. Lallawmzuala, Exe. Secy leh Rev. Dr. Lalmangaiha te an tel.

☐ **Moderator-in Chhungte Kohhran Biak In lungphum a phum**

March 29, 2023 (Nilaini) khan Synod Moderator Rev. Dr. C. Chawngmingliana chuan Chhungte Kohhran Biak In lungphum a phum. Chhungte khua hi Champhai Kanan Pastor Bial chungah awm a ni a, in 60 awmin Presbyterian Kohhran in 37, dan zawh kim 100 leh Kohhran member - 170 an awm a ni. Biak In thar sak nan hian budget-ah Rs. Nuai 200 an ruahman a ni.

Synod Moderator Rev. Dr. C. Chawngmingliana hian wawiin (March 30, 2023) hian Hruaikawn Biak In sak thar a hawng nghal bawk ang.

☐ **Tumkau Ni**

April 2, 2023 (Pathianni) hi Tumkau Ni a ni a. Kum 1998 Synod chuan Tumkau ni hi Nilai leh Beihruah Thupui Bu-a tihlan thin turin a rel a. Chu thu chu bawhzuiin SEC chuan Sunday School tibuai lova inkhawm tum khat buatsaih thin turin a ti a. Kum 2007 atang erawh chuan inkhawm tum hnih buatsaih thin a ni ta a ni. Kumin hian chawhnu leh zan inkhawma zir tur thupui inang tlanga hman turin hetiang hian ruahmanna siam a ni.

Chawhnu Inkhawm

Thupui : 'Sabengtungno chungah Isua a chuang'
Chhiar tur: Marka 11:4-7

Zan Inkhawm

Thupui : 'Lal Isua fak leh chawimawi - mi tin tih tur'
Chhiar tur: Luka 19:37-38

☐ **Harhna thlen Ni**

April 4, 2023 (Thawhlehi) hi Mizorama Harhna thlen Ni champha a ni a, Synod hnuah Office hrang hrang pawh an chawl ang. Mizorama Harhna lo thlen hmasak hun hi Synod chuan uluk taka a zirchian hnuah kum 1982 Synod Inkhawmpui chuan April 4, 1906 hi Zorama Harhna lo thlen hmasak ni atan a pawm a, heta tang hian April 4 hi Harhna Thlen Ni atan hman thin a ni ta a. Kumin hi Harhna thlen kum 117-na a ni.

Mizoram Presbyterian Kohhran chuan kumin hian inkhawm tum khat atan programme siamin thupui chu "Harh la, harh la; i chakna inbel rawh" (Isaia 26:19; 51:9; 52:1) tih a ni.

- ❑ **Financial Campaign**
March 28 - 30, 2023 chung khan Tangphai, Manipur-ah Financial Campaign neih Rev. C. Zorammawia, Senior Executive Secretary leh Rev. H. Remthanga, Mission Veng te an kal.
- ❑ **Campus Ministry**
March 24, 2023 khan Apollo Nursing School, Luangmual Vengthlang leh RIPANS, Zemabawkah hun an hmang a, March 28, 2023 khan Govt. Zirtiri Residential Science College, Durtlangah hun an hmang bawk.
- ❑ **Social Front**
March 24, 2023 khan MZU-ah Round Table Discussion on Water Security in Mizoram neih a ni a, hetah hian Pu Albert Lalhmangaiha, Social Front Asst. Coordinator chuan a paper buatsaih 'The Church and Water Conservation' a present a ni.
- ❑ **Kristian Thalai Pawl**
 - ◆ March 28, 2023 zan khan Ramhlun East Branch Leadership Training neih a ni a. Upa F. Zoherliana, Finance Secretary leh Pu Rossi Lallawmawma, Committee Member-te an kal.
 - ◆ Pu Lalrempuia, Committee member (Asst. Leader, PYP) chu vawiin (March 30, 2023)-a Presbyterian Youth Fellowship (PYF) Executive Committee, Shillong-a neihah a tel.
 - ◆ March 30-31, 2023 hian Kawlkulh North Bial KTP Solfa Training, Kawlkulh North Kohhrana neih hmanpuiin Tv. Rinsailova Sailo leh Pu R. Lalmalsawma, Committee member-te an kal.
 - ◆ April 1, 2023 hian Sialsuk Bial KTP Leadership Training, Sialsuk Kohhrana neih tur hmanpui turin Tv. Malsawmdawngliana leh T. Upa Lalremsiama, Committee member-te an kal ang.
- ❑ **PES**
Pu C. Lalrinliana, Supervisor of Schools chuan Presbyterian English School hrang hrang tlawhin hun a hmang a, March 28 - 30, 2023 chung hian N. Serzawl, Sailutar, Ratu, Sakawrdai, Zohmun, Sawleng, Kepran, E. Phaileng leh Pehlawnah te a kal.
- ❑ **Synfo leh MSSU buatsaih Bible Spelling Bee Final**
Synod Information & Publicity Dept. (Synfo) leh MSSU tang kawpin Junior Dept. leh Intermediate dept. zirlaite tana Bible Spelling Bee a buatsaih chu naktuk (March ni 31, 2023) zan dar 7:00-ah Synfo Studio-ah Final intihsiakna neih a ni ang. Junior Department atangin mi 10 leh Intermediate Department atangin mi 13-in Final Intihsiakna hi an nei ang a, Hruaina Eng leh Synfo Youtube Channel-ah Live-a pek chhuah a ni ang.
- ❑ **Synfo Studio-ah Audio Recording a tih theih leh ta**
Nikum August thla atanga Synfo Audio Recording Studio hman theih loha awm tawh chu hman theihin siam that a ni leh ta. Audio Recording Rate hetiang a ni :

Solo, Zaipawl leh thusawi	-	1 hour	-	₹ 500/-
Final Processing & Mixing	-	Hla 1	-	₹ 500/-
Music Track siamna	-	Hla 1	-	₹ 1,000/-
- ❑ **Synod Mission Board**
 - ◆ **Home Mission South Missionary Intuaitarna**
March 24-26, 2023 chung khan Lunglei Chanmari Kohhran Biak Inah Home Mission South Missionary Intuaitarna neih a ni a, thupuiah 'Thlarau thara rawngbawl' (Rom 7:6) an hmang a, Rev. R. Lalhmingsanga, Mission Board Secretary chu Speaker a ni.
March 24, 2023 zanah Rev. H. Lallianzara, Administrative Secretary hnen atangin Pathian thuchah ngaihthlak a ni a. March 25, 2023 chawhma lamah 'Home Mission South-a Mission hmasawna tur' tih thupui Pastor C. Rosangzuala, Damdep buatsaih zir ho a ni a, chawhnu lamah Group pathum – School staff, Evangelist leh Medical-ah inthenin sawi hona hun tha tak hman a ni. Zan inkhawmah speaker Rev. R. Lalhmingsanga'n Pathian thuchah a sawi a, inkhawm banah thu leh hlaa inpawlkhawmna hun neih a ni.
March 26, 2023 (Pathianni) chawhma leh chawhnu inkhawmah speaker Rev. R. Lalhmingsanga hnen atangin Pathian thuchah ngaihthlak leh a ni a, zan inkhawmah Rev. H. Lallianzara, Administrative Secretary hnen atangin Pathian thuchah ngaihthlak a ni a, inkhawm banah thu leh hla hmanga inpawl hona neih leh a ni bawk.
 - ◆ **Kumin 2023 January & February thla chungah Mission Field hrang hranga member thar zat hetiang hi a ni:**
 - I. Home Mission

1. Home Mission North	9	2. Home Mission South	21
-----------------------	---	-----------------------	----

II. North East Region

1. Arunachal & Assam Mission (East)	12	5. Barak Area	16
2. Arunachal & Assam Mission (North)	17	6. Karbi Anglong	37
3. Arunachal & Assam Mission (West)	25	7. Tripura	157
4. Assam	8		

III. Central Region

1. Delhi	35	5. Nepal	21
2. Jharkhand	97	6. Odisha	12
3. Kolkata	112	7. Patna	17
4. Lucknow	4	8. Siliguri	22

IV. Field puitling lo, hma lâkna lian

1 Masihi Sangati	838	2 Cambodia	-
BELHKHAWM	1460		

◆ **Arunachal & Assam Mission Field (East)**

March 22-26, 2023 chhung khan Arunachal & Assam Field East te chuan Lakla Mission Compound-ah Healing Crusade an nei a, speaker atan Frederick Lalrindika, Bethel Ministry an hmanng.

◆ **Jharkhand Mission Field**

- ▶ March 26, 2023 khan Dhaka Kohhran, Dhaka Pastor Bialah member thar 16 (Puitling 12 leh naupang 4) an awm a, Karbindha Kohhran, Karbindha Pastor Bialah member thar 1 an nei belh bawk.
- ▶ Amjhari Kohhran, Kathikund Pastor Bialah member thar 7 an awm a, NELC Kohhran ațangin mi 2 kan Kohhranah an lo pakai bawk. Astajora Kohhran, Kathikund Pastor Bialah bawk Church court an nih hnua a vawikhatna atân Tual Upa pakhat an thlang tling.
- ▶ Kanhera Kohhran Biak In, Ainawn Kohhranin an sak chu March ni 26 khan Upa B. Lalrinkiman a hawng.
- ▶ March 19, 2023 (Pathianni) khan member thar 1 a awm a, Roman Catholic ațangin mi 2 kan Kohhranah an inpe bawk.

◆ **Delhi Mission Field**

March ni 26 khan member thar 2 (pafa) an awm.

◆ **Assam Mission Field**

March ni 26 khan Guwahati Ramthar Pastor biala NALBARI Preaching Station-ah Puitling (nula) pakhat member thar an nei.

◆ **Odisha Mission Field**

March ni 26 khan member thar puitling 3 an awm.

◆ **Patna Mission Field**

March ni 26 khan Patna South bial leh Khagaria bial ațangin member thar, puitling 13 leh naupang 6 an awm.

◆ **Masihi Sangati**

March ni 21 khan Serchhip Vengchung Pastor Bialah member thar 6 an awm belh a, kumin chhungin ringthar 33 an awm tawh a ni.

□ **Synod Relief Fund**

Tun hnaia harsatna hrang hrang tawkte hnenah Synod Relief Fund ațangin hetiang hian chhawmdawlna pek a ni.

S.No	Khua	Pek chhan	Chhungkaw zat	Pek zat
1.	Melriat	Thlipui tuar		₹ 30,000/-
2.	Tualte	Damlo	2	₹ 16,000/-
3.	Zohmun	Damlo	2	₹ 16,000/-
4.	Tingmun	Damlo	2	₹ 16,000/-
5.	Ainawn Veng	Chhungkaw harsa	2	₹ 16,000/-
6.	Champhai Kanan	Damlo	1	₹ 8,000/-
7.	Airfield Vengthar	Damlo	1	₹ 8,000/-
8.	Bungkawn Vengthar	Damlo	1	₹ 8,000/-
	Belkhawm			₹ 1,18,000/-

□ **FM Zoawi - Aizawl & Lunglei : Hruaina Eng Radio Programme**

March 31, 2023 (Zirtawpni) @ 7:30 p.m. :

Fak hla huang Solo : Julie Vanlaltai

Thusawi : Upa. C.Lalduhawma - Thlarauah awm rawh u

- ❑ **Susamachar Prasaran Programme :**
April 2, 2023 (Pathianni) 5:30 pm. :
Group/Choir/Solo : Central PYF Choir - Krus Par
Group/Choir/Solo : Sumi Z. Kalita - Jisu Tumi hokti diya
Testimony : Miss Shibani Chetia
Group/Choir/Solo : Hmingtea Tochwawng - Chhoti chhoti
Group/Choir/Solo : Chanmari Masihi Sangati - Mukti Dilai
- ❑ **Hruaina Eng TV Programme (@Zonet 12 & @LPS123)**
30.3.2023 (Ningani) 8:30 pm : Zir bingna - Upa F. Lalthanmawia
 - Pathian rinna leh zuina kawnga tehna
31.3.2023 (Zirtawpni) 5:00 pm : Kristian Naupang Pual
7:00 pm : Bible Spelling Bee Final - LIVE
1.4.2023 (Inrinni) 5:30 pm : Puitling Sunday School Zirlai
2.4.2023 (Pathianni) 8:00 am : Weekly Round up
9:00 am : Palm Sunday Sermon - Rev. Lalsangbera
5:30 pm : Su Samachar
3.4.2023 (Thawhtanni) 8:30 pm : Hruaina Eng Luang Chhuak
4.4.2023 (Thawhlehi) 8:30 pm : Nilai Zan thupui zir ho - PCI General Assembly & Regional Assembly
5.4.2023 (Nilaini) 8:30 pm : Fak Hla huang - Good Friday Special
 Trio - Elvis, Muanpuia & Kimkimi
 Solo - Arini
 Duet - Tluangtluangi & Kimkimi
 Solo - Isaac
- ❑ **Moderator leh Executive Secretary-te Programme:**
Rev. Dr. C. Chawngmingliana : Moderator
 April 1-4, 2023 Delhi leh Hyderabad, Kohhran tlawh
 April 6, 2023 (Maundy Thursday) Zan Electric Veng Kohhran, Lalpa Zanriah Sakramen a ðeh ang.
 April 7, 2023 (Good Friday) Zan Nursery Veng Kohhran tlawh
 April 8, 2023 (Inrinni) Chhiahtlang Chhim Veng Kohhran Biak In sak thar a hawng ang.
 April 9, 2023 Chawhma - Chhiahtlang Venghlun Kohhran
 Chawhnu - Sailam Kohhran
 Zan - Chhiahtlang Kawn Veng Kohhran
- Rev. C. Zoramawia : Senior Executive Secretary**
 April 1-4, 2023 Delhi leh Hyderabad, Kohhran tlawh
 April 6, 2023 (Maundy Thursday) Zan Bethlehem Kohhran, Lalpa Zanriah Sakramen a ðeh ang.
- Rev. V.L. Luaia Hranleh : Executive Secretary**
 March 27-30, 2023 PCI Finance Committee, Shillong
 March 31, 2023 FG&CC Committee
 April 6, 2023 (Maundy Thursday) Zan Zemabawk Kohhran, Lalpa Zanriah Sakramen a ðeh ang.
 April 9 (Easter Sunday) chawhma Tuikhuahtlang Kohhran tlawh
- Rev. Dr. K. Lallawmzuala : Executive Secretary**
 March 29, 2023 Synod Prison Ministry Committee
 March 31, 2023 Zan Bible Spelling Bee Final-ah a tel ang.
 April 3-5, 2023 PCI Trust Committee, Shillong-ah a tel ang.
 April 6, 2023 (Maundy Thursday) Zan Bawngkawn Chhim Veng Kohhranah Lalpa Zanriah Sakramen a ðeh ang.

NILAI LEH BEIHRUAL THUPUI BU 2023 TIHDIKNA

Nilai leh Beihruual Thupui Bu 2023-a April 7 : Good Friday, Chawhnu Inkhawm thupui : “A thlarau a thlah ta” tih thupui then 3-na “Tu nge nia i inhriat ve?” tih hi, “Tu nge nia i hriat ve?” tih tur a ni e.

Editor, SL&PB

Contd...

RAWNGBAWLNA HNA RUAK DIL THEIH

Mizoram Presbyterian Kohhran hnuaiha a hnuaiha tarlan rawngbawl hna hrang hrang hi a ruak a. Presbyterian Kohhran mi, kum 18-35 inkar, ni 19.4.2023-a kum 18 tling, kum 35 la pumhlum lo, zuk leh hmuama fihlim tan dil theih a ni. Dilna Form leh Tualchhung Kohhran Confidential Report Form hi Synod Office (Aizawl leh Lunglei) aṅging ni 13.3.2023 (Thawhṅanni) aṅging lak chhuah theih a ni ang. Dilna hi Synod Service Board, Synod Office, Aizawl-ah thehluh tur a ni a, dilna form man Rs. 20/- a ni. Dilna Form-ah hriat tur pawimawh tarlan a ni ang.

1. SIKULPUI-A THAWK TUR

Hna hming : **Teacher (Contract), Post - 4**
 Thiamna : Trained graduate D.El.Ed of any recognised university with Mizoram Teacher Eligibility Test (MTET)
 Hlawh : Synod hnuaiha Trained Graduate contract-te hlawh

2. SYNOD HOSPITAL, DURTLANG-A THAWK TUR

Hna hming : **X-Ray technician (Contract) Post - 1**
 Thiamna : Diploma in Medical Radiation technology from recognised institute
 Hlawh : Synod hnuaiha Lab. Technician contract-te hlawh

3. JOHN WILLIAMS' HOSPITAL, LUNGLEI-A THAWK TUR

Hna hming : **Medical Officer (Regular) Post - 1**
 Thiamna : MBBS of any recognised university
 Hlawh : Synod hnuaiha Medical Officer-te hlawh

4. SYNOD HOSPITAL, DURTLANG-A THAWK TUR

Hna hming : **Medical Officer Post - 5 (Regular)**
 Thiamna : MBBS of any recognised university
 Hlawh : Synod hnuaiha Medical Officer-te hlawh

5. SYNOD OFFICE, AIZAWL-A THAWK TUR

Hna hming : **Archivist (Contract) Post - 1**
 Thiamna : Graduate of any recognised university preferably with theological degree recognised by Senate of Serampore College (University)
 Hlawh : Synod hnuaiha Graduate contract-te hlawh

6. MIZORAM CHRISTIAN COLLEGE-A THAWK TUR

Hna hming : **Asst. Professor (Commerce) Post - 1 (Contract)**
 Thiamna : UGC Norms 2018-in a sawi anga thiamna neite tan
 Hlawh : Synod hnuaiha Asst. Professor contract-te hlawh

7. P.C. GIRLS' SCHOOL-A THAWK TUR

Hna hming : **Teacher (Contract) Post - 1**
 Thiamna : Trained graduate D.El.Ed of any recognised university with Mizoram Teacher Eligibility Test (MTET)
 Hlawh : Synod hnuaiha Trained Graduate contract-te hlawh

Dil theih hun chung : Dt. 13.4.2023 (Nilaini) dar 2 p.m. thleng

Screening test/exam : Dt. 15.4.2023 (Inrinni) Dar 10 a.m.

Interview : Dt. 19.4.2023 (Nilaini) Dar 10.30 a.m.

Sd/-

Rev. C. Zoramawia
 Secretary
 Synod Service Board